




THE THREE WITNESSES

Te Avae Atete 1958

TE HEHEURAA API

Ua Maitihia Te Mau Pipi.

(Luka 5.)

I to'na faaruerā i Kaperenaumi haere atura Iesu i te tahi atu ā mau oire o Galilea, ma te poro atu i te parau no te evanelia a haere noa'i oia ra. Ua nenei noa mai te taata e ati noa a'e oia no te mea te hinaaro noa iā ratou i te faaroo i ta'na mau haapiiraa. Ua faaroo ratou i te parau no te mau semeio tei ravehia e ana i Kaperenaumi ra, e te mana'o atoa ra hoi ratou e, e rave paha oia i te hoê i rotopu ia ratou ra.

E i te hoê mahana, a haere noa'i oia na te hiti o te roto i Galilea ua apeehia oia e te hoê tiaa taata rahi. I to'na iterā i na pahi e piti i te tipaerā i te hiti roto, haere atura oia i reira a uhi noa'i te feia ravaai i ta ratou upea e ia ratou iho hoi, No Simona Petero te hoê o taua na pahi ra. Haere atura Iesu i nia i te pahi e ani atura ia Petero ia tute oia i te reira i tai iti a'e. Parahi ihora Iesu i roto i te pahi e haapii atura i te mau taata ra o tei haaputuputu mai i mua ia'na ra.

I to'na faatarā i te parau ia ratou, fariu ihora oia ia Petero e na ô atura, "*Ho atu i te vahi moana, e tuni i ta outou upe'a i te hoê haroa.*" Ua rohirohi o Petero e ua na ô atu oia, "*E te Fatu, i haa noa na matou e ao noa a'enei te rui, e aore roa i noua, e tuni rā vau i te upe'a o oe i parau mai na.*"

Maere atura Petero i te mea tei tupu mai. No te rahi o te i'a i mau mai i roto i te upe'a aita i tia ia'na ia ume mai te reira i roto i te pahi, Titau atura oia i te tanturu e haere maira to'na mau hoa ohipa na nia i te tahi pahi ra. Motu-motu ihora te upe'a no te rahi o te teiaha o te i'a. Ua rave itoitoe te mau taata i te ohipa ia ore ta ratou mau i'a ia mau'a, e i te hopea i roa ihora na pahi e piti e ua mana'ohia e, e tomo paha raua.

Ua rave tamau noa o Petero, e to'na ra taeae o Anederea, i te ohipa ravaai; e to ratou mau hoa ohipa ra, o Iakopo ia e o Ioane, na tamaiti a Zebedai o ra. O ta ratou ia imiraa ravea no te oraraa, oia hoi, i te hooraa'tu i te i'a i noaa ia ratou ra i roto i te tai ra. Ua rave ratou i te reira ohipa ravaai i te taatoaraa o to ratou oraraa, e aita â ratou i ite i te rahiraa mai to te reira mahana.

I to Petero iteraa i te mea i tupu ra, mairi i hora oia i raro, i te pae turi o Iesu e na ô atura, "*E haere é oe, e te Fatu, e taata hara hoi au.*" Na ô atura Iesu, "*Eiaha e mata'u, i teie nei, e taata ta oe e noaa,*" e faataa i hora oia ia ratou toomaha ei mau pîpî na'na ra.

Ua farii ratou i ta'na maitiraa, "*E tae maira to ratou pue pahî i tahatai, faarue ana'e i hora ratou e ua pee maira ia'na.*"

Te oire i parahibia e Anederea raua o Petero ra, o te oire iti ra o Betesaida, tei te hiti o te roto ra. Tei roto i te tahi oire ê atu te hoê taata ta Iesu i hinaaro i te maiti ei pîpî atoa na'na ra. O Philipa taua taata ra. I to Iesu iteraa ia'na ua na ô atu oia, "*A pee mai oe ia'u,*" e ua na reira ihoa o Philipa. I to'na faaroora i te mau haapiiraa rarahi a te Fatu, e to'na iteraa i to'na ra mana, tupu atura te hinaaro o Philipa ia farerei to'na ra hoa o Nataniela i te Fatu, e no reira haere atura oia e imi ia'na. Ite atura oia ia Nataniela te parahi ra i te marumaru o te hoê tumu suke ra e na ô atura ia'na, "*Ua itea ia matou ta Mose i papai i te ture ra, e ta te mau peropheta ra, o Iesu i Nazareta, e tamaiti na Iosepha.*"

I te haamataraa e au e, aita o Nataniela i haapao noa a'e i te reira parau e na ô atura oia ia Philipa, "*E maitai anei to Nazareta mai?*" Ua parau atura Philipa ia'na, "*A haere mai a hi'o.*"

Apee atura Nataniela i to'na ra hoa e aita i maoro haere atura oia i pihaiho i te Faaora. A haere atu ai Nataniela ia'na, na ô atura Iesu, "*A hi'o na i te ati Isera-ela mau, aore e haavare i roto ia'na ra.*"

I to Natanaela faaroora i te reira parau, na ô atura oia, "*Eaha oe i ite ai ia'u?*" Ua parau atura te Fätu ia'na, "*Hi'o atura vau ia oe i raro a'e i te suke ra, hou Philipa i parau atu ai ia oe ra.*"

I ihora o Natanaela i te Varua o te Fätu, o tei heheu mai ia'na e, o vai mau â o Iesu, e ua na ô atu oia, "*E Rabi, o te tamaiti oe na te Atua, o te arii oe o Iseraela.*" Pahono atura te Fätu ia'na, "*No te mea i parau atu vau ia oe na e, Te hi'o atura vau ia oe i raro a'e i te suke ra, i faaroo ai oe? e iti tena i ta oe e ite atu â. Teie outou a ite ai i te vetearaahia, e te mau melahi a te Atua i te hoereraa'tu i nia, e te pouraa mai i nia iho i te Tamaiti a te taata nei,*"

I rotopu i te mau taata tei hau atu i te inoinohia, e te mau ati Iuda, te vai ra te mau taata tei tarahuhia e to Roma no te titau atu i te moni aufau. E feia maitatai te tahi pae o ratou, area ra, te vai ra te tahi pae, e meaino, teirave i te ohipa parau-tia ore i nia i te mau taata, e no te reira tumu na inoino-roa-hia ratou e te mau ati Iuda ra. Te vai ra te hoê o taua mau taata titau moni aufau ra, oia hoi, parauhia ratou ei mau telona, tei mairihia i te i'oa o Levi, te tamaiti a Alephaio, e ua ite-atoa-hia hoi oia i raro a'e i te i'oa ra o Mataio. Ite atura Iesu ia'na i te parahiraa a rave noa'i oia i ta'na ohipa, e ua ite oia e, e taata parau-tia oia te au maitai ia riro ei pîpî na'na ra. Parau atura Iesu ia Mataio, "*Apee mai ia'u.*" E vaiho atura Mataio i ta'na ohipa e apee atura i te Faaora. Aita roa o Iesu i haapao noa'tu i te huru o te ohipa i ravehia e te taata, noa'tu e, e taata ravaai oia, e aore ra, e telona. Ua hi'o noa oia i roto i te aau o te taata. Noa'tu e feia veve ratou, e aore ra, e feia haehaa, na here oia ia ratou no toratou parau-tia. I roto ia Mataio ua ite oia i te hoê taata mana rabi e te maitai hoi. E i mua rii iho i te reira faatupu atura Mataio i te hoê amuraamaa rahi, i to'na ra fare, no te faa hanahana ia Iesu. Ua papai o Mataio i te parau tuatapapa no te

oraraa o te Mesia e ua itehia te reira ei Buka a Mataio i roto i te Faufaa Apî ra.

E a haere noa'i Iesu, mai te tahi vahi ê atu, i te haapii-noa-raa i te mau taata, ua maiti atu oia i te tahi atu â mau taata ei pipî na'na, e ua apee atu ratou ia'na.

Marcel Bonnet

Ua Pohe Te Momoni

Ua faatupuhia te hoê chipa rahi roa i Raiatea nei i te ava'e Eperera, oia hoi, ua tomohia te hoê fare pureraa nehenehe e ua a'ohia te mau parau faahiahia ia anaatae te mau melo o te reira amuiraa.

Oia atoa, ua faaroohia te mau parau apî e no reira, te hinaaro nei au e, ia hiopoa maitai tatou i te tahi parau apî rahi i a'ohia i taua mahana ra, e na tatou e haapapu e, e parau mau anei, e aore anei.

I roto i te hoê pureraa rahi ua tia maira te hoê orometua no te reira haapaoraa e ua parau atura oia i te mau taata e, o te mau faaroo e vai nei i nia i te ao nei i teie tau, o tatou ana'e te ora nei. Te faaroo Katolika, ua pohe ia; te Mahana Hitu, ua pohe ia; e te Momoni, ua pohe atoa ia. O tatou râ, te ora nei. E mea papu roa, ua poupu roa te amuiraa i te faaroora i te reira parau.

I to'u faaroora i taua parau ra, ua tupu atoa mai te oaoa i roto ia'u nei, no te mea, ua parau maira Iesu ia tatou nei i te na ô raa e, "*E ao to outou ia faa'ino mai, e ia hamani-inc mai, e ia pari haavare noa mai te taata ia outou i te mau ino atoa nei, no'u. A oaoa, e ia ou'au'ia noa i te oaoa; e utua rahi hoi ta outou i te ao ra: i na reira hoi ratou i te hamani ino i te mau peropheta ra, na mua ia, ia outou.*" Matao 5:11-12

Area râ, te vai nei, paha, te tahi mau mamoe i roto i te faaroo nei, e mai te peu e, e faaroo ratou i te hoê

parau mai teie te huru, e tupu te peapea i roto i to ratou feruriraa. E no reira, e homa, a haapapu tatou i to tatou tiaraa na roto i to tatou imiraa i te parau mau i roto i te Bibilia, ia taa ia tatou e, e parau mau anei, e aore anei.

Ua ite tatou e, te mau ohipa atoa ta Iesu i rave i te faatiaraa i te Ekalesia, i to'na iho tau, e mau ohipa tia roa ia, oia hoi, e mau ohipa faufaa ana'e. O Iesu ana'e te taata hara-ore tei tae mai i nia i te ao nei, e no reira, Ta'na ra mau ohipa, e mau ohipa hape-ore.

Ua ite atoa tatou e, ua maitihia te tino ahuru ma piti aposetolo e ua riro ratou ei niu no te Ekalesia, e o Iesu te tibi rahi. (Ephesia 2:19-21) Oia hoi, ua maiti Iesu ia ratou e ua horoa Oia i te mana ia ratou ia tia te mau ohipa atoa ta ratou i rave, oia hoi, ia manahia te mau bapetizoraa ta ratou i rave, ia fariihia te mau haapiiraa ta ratou i haapii, e ia faaorahia te mau feia ma'i ta ratou i faaora. Ahiri aita to ratou e mana, e mea faufaa-ore te ohipa ta ratou i rave. Ahiri aita Iesu i maiti ia ratou e i faatoroa ia ratou ua riro ia ratou mai te mau feia haayare tei farerei ia Iesu i te mahana haavaraa i te parauraa e, "*E te Fatu, e te Fatu, e ere anei ua haapii matou ma to oe io'a, e ua tatai i te mau demoni i to oe io'a, e ua rave i te semeio e rave rahi i to oe io'a? O ta'u ia e parau atu, aita roa vau i ite ia outou. E haere e atu outou, e te feia rave parau ino.*" (Mataio 7:22-23)

E no reira, ua papu ia tatou e, te toroa aposetolo, e toroa rahi roa ia, no te mea, ua manahia ratou e oia atoa, ua riro ratou ei niu no te Ekalesia.

Ua maiti atoa hia te tahi mau toroa; Orometua, Haapii, Tiai, Haapii evanelia, Diakono, Tahu'a tahu'a Rahi, Hitu Ahuru, e te toroa Peresibutero. E hoê ahuru ma hoê toroa ta Iesu i maiti e ua faataa Oia i te hoê mau ohipa na ratou, te tahi e te tahi.

E mau toroa tia roa teie no te raveraa i te mau ohipa atoa o te evanelia nei, no te mea, ua parau mai Paulo e, ia vai noa teie mau toroa e tia'i e tae noa'tu tatou e tahoêhia'i i roto i te faaroo hoê i te Tamaiti a te Atua. (A hio outou i te Ephesia 4:11-14 ia haapapuhia te taioraa.)

Ia hiopoa tatou i te huru o te mau taata i teie nei tau, e ite tatou e, aita â tatou i tahoêhia i nia i te mana'o o te faaroo e i te ite hoê o te Tamaiti a te Atua. E no reira, ia vai noa te mau toroa i teie nei tau e tia'i, no te mea, o ratou te feia aratai no te Ekalesia. E mana to ratou no te raveraa i te ohipa i raro a'e i te faatereraa a Iesu, te Mesia, te Tamaiti a te Atua, te tihi rahi o te Ekalesia.

E no reira, e homa, eiaha tatou e feaa i te faaroora i te parau e, "Ua pohe te Momoni." Aita e tia ia pohe tatou no te mea, ua faahoihia mai te mana e te mau huru ohipa mai to Iesu anotau. Oia atoa, ua parau mai te peropheta ra o Daania i te na ô raa e, "*E Atua tei te ra'i o te faaite mai . . . i te mau mea e tupu i te mau mahana hopea ra. E faatupu ai te Atua o te ra'i ra i te hoê basileia o te ore roa ia e mou, o te ore roa hoi e riro ia vetahi ê, . . . e vai tera e a muri noa'tu.*" (Daniela 2:28, 44)

Ua faatia-faahou-hia te Ekalesia a Iesu Mesia i teie nei tau hopea. Aita roa te Ekalesia a Iesu i tupu noa mai no roto mai i te tahi Ekalesia ê. E vai noa râ taua Ekalesia e a muri noa'tu. E homa, ua faa-ho'i-hia mai te aveia ia tae faahou tatou i mua i te aro o te Atua. Te vai faahou nei te mana o te Atua, oia hoi, te Autahu'araa i nia i te mau toroa e ahuru ma hoê o te Ekalesia nei. Ua patubia teie Ekalesia nei i nia i te niu o te mau Aposetolo e te mau Peropheta e o Iesu te tihi rahi.

Eiaha roa'tu tatou e feaa i te faaroora i teie mau parau. A oaoa râ tatou no te mea, te hio mai nei ratou ia tatou, e no reira tei ia tatou te ohipa o te faaite raa'tu ia ratou i teie parau mau. Te parau mau o te oraraa maitai, te ora e iteahia nei i roto i ta Iesu Ekalesia mau.

Davidia Orometua.

Te Evanelia A Iesu Mesia

TE AURAA O TE EVANELIA

Te parau oaoa, e aore râ, te parau maitai no nia i te Faaora, te Basileia o te Atua e te ora mure ore o te taata, o te Evanelia ia a Iesu Mesia. O te reira ia te mau haapiiraa a te Mesia, e te mau Aposetolo, mai tei papaihia i roto i te Faufaa Apî, e te Buka a Moromona, e te mau heheuraa tei horoahia mai, nâ roto i te mau Peropheta mo'a a te Atua, mai te tau i te haamataraa o te ao nei e tae noa mai i to tatou nei tau. Ua papainia te reira mau heheuraa, e te reira mau haapiiraa, i roto i te mau papairaa mo'a.

E rave pinepine te mau Cherisetiano i te parau Evanelia no te faaite i to ratou haapaoraa. Na roto i teie hi'oraa, o te Evanelia ia to ratou tiaturiraa. I roto i te parau haapiiraa a te tiaturiraa Cherisetiano te vai ra na parau êê: te huru mure ore o te taata, te hi'araa e te taraehara a Iesu, Mesia; no reira, e parau tumu teie mau parau i roto i te Evanelia. Oia ia, e horoa mai te Evanelia i te pahonoraa no na uiraa i muri nei, oia hoi: Nohea mai tatou? No te aha tatou i tae mai ai i nia i te ao nei? E, e haere tatou i hea?

E tia ia tatou ia parau faahou e, o te Evanelia a Iesu Mesia, o te opuaraa ia no te ora mure ore. Ua faatiahia te reira i nia iho i te haapiiraa a te parau mau, e te mure ore, oia hoi, te reira te niu no te mau parau mau atoa ra. E haayahia te taata, no ta ratou mau ohipa atoa, no nia i te reira mau parau. (Rom 2:16) O te Evanelia ra, o te mana ia no te faaora i te mau taata atoa. Ua parau mai te Aposetolo ra o Paulo, a na ô mai ai oia e, "*Aore hoi au i haama i te Evanelia o te Mesia ra, no te mea, o te mana ia o te Atua, ia ora te feia atoa i faaroo ra; te Ati Iuda na e te Heleni atoa hoi. Tei reira hoi te parau-tia a te Atua i te faaroo i te faatiaraahia mai ei faaoraraa.*" (Roma 1:16-17.)

Tei roto atoa i te Evanelia te mau faufaa, ta te Atua i fafau mai i Ta'na ra mau tamarîi, mai te tau i tuuhia'i ta-

tou nei i nia i te ao nei, e tae noa mai i teie nei anotau. Ua papaihia te pae rahi o teie mau faufaa i roto i te mau papairaa mo'a. I te tau o Iesu, ua parau te Ati Iuda, i ta ratou mau papairaa mo'a, o te "Faufaa." I muri a'e ua papaihia te mau parau, a te mau Cherisetiano, e ua parauhia te reira, te "Faufaa Apî", e te mau papairaa a te Ati Hebera, te "Faufaa Tahito" ia.

I roto i te hoê heheuraa, tei horoahia mai, ia Iosepha Semita, ua faaite mai te Faaora e, e mea tahito roa te "Faufaa" e ua parau atu Oia i te Peropheta ra e, te reira ihoâ ia te Evanelia Ta'na i faaite mai ia'na ra. O teie te parau a te Tamaiti a te Taata, *E no reira te parau atu nei Au ia oe e, ua haponu atu Vau ia oe i Ta'u nei faufaa mure ore, oia ia, taua mea ra tei vai noa mai te matamua mai â.*" (Buka Fa-fau 49:9,)

I teie nei mau mahana te parau nei tatou, i te reira, o "te Faufaa apî e te mure ore." Tei roto i te reira te mau haapiiraa e te mau oro'a o te Evanelia a Iesu Mesia, oia ia, te taatoaraa o te mau faufaa ta te Atua i heheu mai, i te mau taata ora, e Ta'na e heheu mai ia ratou, i te mau tau i mua nei, no nia i to ratou ora mure ore ra. Na reira, "Te Faufaa apî e te mure ore", o te Evanelia a Iesu Mesia, hoê â ia raua.

Te Tiaraa O Te Evanelia

O te Evanelia paha te hoê parau tumu tei rahi roa a'e, e te hohonu roa'tu, i te mau parau tumu atoa te tia ia tatou ia haapii. Tei roto i te reira te mau parau mau atoa. Na roto i te reira e ite ai tatou i te mau mea o te utuafare o te ao nei, te mau mea atoa i te ao varua, to tatou oraraa hou i teie nei ao - te faanahonahoraa o teie nei ao e te mau ao ê atu. Na roto i te haapiiraa mure ore, te heheuraa parau, ua heheuhia mai te mau opuaraa o te Atua, i tera tau e i tera tau, e e heheuhia mai â ratou e a muri noa'tu. Te haapii atoa nei te Evanelia, ia tatou, i te mau utu'a hana-hana ta to tatou Metua, i te ao ra, i opua, no te ao i mua'tu, no ratou o te haapao maitai i te evanelia i to ratou oraraa tahuti nei.

Ua haamauhia te Evanelia i nia iho i te mau parau tumu papu roa, e te aueue ore hoi; tei roto râ i te reira te mau parau mau atoa, e no reira, e mea tia atoa ia vai, i roto i te reira, te mau ite no te mau ohipa o te ao nei. Tei roto atoa i te reira te taviri no te feruriraa mau no te oraraa. Noa'tu e, aita te mau opuaraa no te ora, e te mau opuaraa tumu atoa a te Atua, no te ao nei, e taa maitai nei ia tatou, te tuu nei te Evanelia, a Iesu Mesia, i te niu, no te mau taata, ia haapii rii noa'tu ratou i te opuaraa rahi, e te hohonu, no te oraraa o te taata.

Ua haapii o Iosepha Semita, o Birikama Youne, o Ioane Tera, e te mau Peresedeni, e te mau feia faatere o te Ekalesih e, aita e hopea, e a ore râ, e hiti e e tapea no te mau parau mau e vai nei i roto i te Evanelia a Iesu Mesia. Ua haapii mai ratou e, tei ia tatou, te Ekalesia a Iesu Mesia, te parau mau atoa o te ao nei. E no te mea no roto mai i te ite o te Atua te mau iteraa atoa o te ao nei, (poritita e te mau ohipa materia ê atu), no tatou atoa te reira mau ite no te mea e, tei ia tatou te îraa o te Evanelia, e te mana o te Atua. E farii tatou i te mau parau mau atoa, e te imi nei tatou i te parau mau ia haamaitahia tatou. Te vai ra te tahi parau mau i roto i te mau haapaoraa atoa, e no reira, no tatou atoa te reira, no te mea, na te Atua te mau mea maitatai atoa. (Moroni 7:12-13.) Teie râ te mea tia, ia faarue ê atu tatou i ta ratou mau parau haavare.

E no te mea na te Atua te mau ite maitai, e mea tia, ia tatou, ia imi e ia faarahi i te reira ia tia ia roa mai ia tatou, te ora mure ore. No reira te hinaaro nei tatou i te mau mea maitatai, te viivii ore e te roo maitai hoi, no te mea no ô mai i te Atua ra te reira mau mea, e no reira no tatou atoa ia ratou. Te tiaturi nei tatou i te mau parau i heheuhia mai e e tiaturi atoa nei hoi tatou i te mau parau e heheuhia mai i te mau tau i mua nei, no te mea no roto mai i te Evanelia, a Iesu Mesia, te ite e noa mai ia tatou no te mau parau mau atoa.

Robert Orometua

La Patience.

“Mes frères, regardez comme un sujet de joie complètes les diverses épreuves auxquelles vous pouvez être exposé, sachant que l'épreuve de votre foi produit la patience. Mais il faut que la patience accomplisse parfaitement son oeuvre, afin que vous soyez parfaits et accomplis, sans faillir en rien.” (Jacques 1:2-4)

Tous ceux qui ont résolu de vivre conformément aux enseignements de l'Evangile de Jésus-Christ, et de contribuer à la propagation de ses principes parmi les gens honnêtes et sincères, peuvent s'attendre non seulement à rencontrer de la résistance et de l'opposition, mais à subir la diffamation et la persécution. C'est ce que le Seigneur lui-même a prédit au sujet de ceux qui étaient prêts à le suivre. Lui-même n'y échappa point, et ses apôtres eurent la même expérience. L'Eglise restaurée, en commençant par Joseph Smith fut traitée exactement de la même manière.

Le plus grand danger qui nous menace, dans de telles circonstances, c'est que nous puissions nous décourager dans nos efforts pour contribuer à la propagation de la cause du Seigneur, et que nous cessions de travailler pour notre Père. Dans ce domaine, suivons le conseil de Paul: “Demeure dans les choses que Tu as apprises, et reconnues certaines.” (II Tim. 3:14)

Ceux d'entre nous qui possèdent un ferme témoignage de la divinité du plan de l'Evangile sont parfois tentés à devenir impatients et intolérants envers ceux qui ne voient pas la lumière et surtout ceux qui s'opposent à nos vues au progrès de l'oeuvre de Dieu. Ici aussi, suivant le conseil de Paul: “Nous ne donnons aucun sujet de scandale en quoi que ce soit, afin que le ministère ne soit pas un objet de blâme.

Mais nous nous rendons à tous égards recommandables, comme serviteurs de Dieu, par beaucoup de patience dans les tribulations, dans les calamités, dans les détresses, sous les coups, dans les prisons, dans les séditions, dans les travaux, dans les veilles, dans les jeûnes; par la pureté, par la connaissance, par la longanimité, par un esprit saint, par une charité sincère, par la parole de vérité, par la puissance de Dieu, par les armes offensives et défensives de la justice." (II Cor. 6:3-7)

Nous pouvons faire beaucoup de bien et jouir, ultimement, d'un très grand bonheur, si nous ne perdons pas notre patience lorsque tout va mal. La cause même pour laquelle nous luttons, que ce soit la cause du Christ ou toute bonne cause, on souffrira si nous faisons preuve d'impatience; nous perdons ainsi une partie de nos moyens et nous ne sommes plus à même d'offrir notre meilleure contribution à la cause que nous représentons. Lorsque nous avons le sentiment que nous sommes incompris ou mal traités, lorsque nous nous sentons offensés et blessés, nous devrions prendre la résolution de ne pas nous appesantir sur ce malheur et de ne pas haïr ceux qui ne nous comprennent pas. Nous pouvons accepter la leçon de Paul, l'apôtre, qui, lorsqu'il fut jeté en prison, convertit le geolier et sa famille. Daniel et ses compagnons firent beaucoup pour la cause de Dieu alors qu'ils étaient asservis par une puissance étrangère. Cette génération doit quelques unes des plus belles paroles concernant l'oeuvre du Seigneur, dans ces derniers jours, à un Joseph Smith emprisonné.

"Vous serez haïs de tous à cause de mon nom, mais celui qui persévéra jusqu'à la fin sera sauvé." (Marc 13:13)

Toni Orometua.



'E HEHEURAA API

125

PARAU RII API

Te Pupu Himene no Te Matahiti 1958

Te hoho'a i te tahi pae no te api o te hoho'a ia o to tatou pūpū himene no teie matahiti 1958. Ua hamata te pūpū himene i te matahiti 1955 i raro a'e i te faatereraa o Toma Orometua. I te ava'e Tiunu ua tere atu ratou i te pae i Raiatea ma e ua faatupu ratou i te mau himeneraa e te mau oriraa nehenehe roa. Ua mauruuru roa te mau taata tei mataitai i taua ohipa ra. E i muri iho to ratou ho'iraa mai i Papeete ua faatupu faahou ratou i ta ratou mau himeneraa e te mau oriraa na te mau taata i Papeete, i te ava'e Setepa.

I te matahiti 1956 ua faatupu faahou ratou i te hoê Teataraa Rahi oia hoi, Soirée, i raro a'e i te faatereraa hanahana a te Tavana Rahi o Toby. Ua nehenehe roa te mau ohipa i faatupuhia. Ua hautihia te mau himene tahiti, te mau himene farani, e te mau himene America. Ua hauti-atoa-hia te mau ori vaihi e te mau ori tumu no te fenua, oia hoi te aparima.

I te ava'e Atete i te matahiti i mairi a'enei ua faatere faahou o Toma Orometua i te Teataraa i te fare teataraa o Rex. Ua faaterehia te soirée e piti po e hoê taime i te ao. Ua faatupu-faahouhia i te mau oriraa nehenehe, oia hoi, te mau ori vaihi, te mau aparima e te mau kapa. Ua himene atoa hia te tahi mau himene tarava. Na roto i te mau ohipa huru rau i faatupuhia ua mauruuru roa te mau taata tei tae mai no te mataitai i taua ohipa mâ ra.

Ia muri iho rii i te reira soirée ua reva atu o Toma i to'na fenua ai'a e ua horoahia te faatereraa o te pūpū himene ia Toni orometua. E ua faatere-maitai-hia te mau ohipa no te pūpū himene. Ua haere noa ratou i nia i te

mau pahi touriste, oia hoi te Mariposa e te Montere, no te faatupu i te mau ohipa nehenehe no te mau taata America. Ua himenehia te mau himene Tahiti e te mau himene Farani e tae noa'tu i te tahi mau himene America. Ua ori-atoa-hia te tahi mau ori vaihi e te tahi atoa mau ori tahiti, e te aparima e te kapa. Ua mauruuru roa te mau taata America tei ite i teie mau huru ohipa i Tahiti nei.

I teie ava'e Me i mairi a'enei ua hamata o Setephano Orometua i te faaineine i te mau himene apî e te mau ohipa nehenehe no te hoê soirée te mana'ohia no te ava'e Atete, oia hoi te 7 e te 8, i te Fare teataraa o Rex. E te tiaturi nei Setephano e, e manuia faahou taua ohipa ra, no te mea ua anaanatae roa te mau taata, e te tauturu noa nei ratou i te mau ohipa ia riro ia ei ohipa mâ te nehenehe hoi.

To Tatou Taae

I te 27 no te ava'e Tiunu i mairi a'enei ua tae mai to tatou hoa o Teaitu â Mariteragi no te fenua Vaihi mai. Ua oti roa ta'na mau ohipa i reira. Ua faaite mai oia ia tatou e, e mea nehenehe roa te fenua Vaihi e tei reira te mau mea atoa i hinaarohia e te taata nei. I to'na faaearea i reira ua haapii rii oia i te reo America. Ua faaite atoa mai oia i te huru no to tatou mau melo Tahiti tei parahi noa i reira. E mea maitai raton e te opua nei, te tahi pae no raton, ia oti ta raton mau ohipa i faaauhia ia haere ratou i te haapiiraa.

Te Ohipa A Te Mau Tuahine

I teie mau hebedoma i mairi a'enei ua rave te mau tuahine, no te na Amaa i Papeete, i te hoê ohipa faahiahia, oia hoi ua tauturu ratou i te pŭpŭ Scout no ta ratou mau ohipa tei opuahia no te 14 no Tiurai. Ua oti ia ratou e 60 e tiahapa ahū Scout i te nira hia. E mea itoitō ratou i te raverāa i teie mau ohipa tauturu. Te faaineine atoa ra te pŭpŭ Scout i ta ratou mau ohipa no te poroterāa. I to matou hi'orāa e mea nehenehe roa te mau ohipa atoa a teie nei pŭpŭ i roto i to ratou tahoêraahia.

Te Hoho'a No Ta Tatou Ve'a. Te Tii Hamana'oraa

I nia iho i ta tatou tapoi Ve'a no te ava'e Atete, e ite ia outou i te hoho'a no te tii i ootihia i roto i te ofai. Ei haamana'oraa teie tii i na ite tootoru no te Buka a Moromona. Tei roto atoa hoi te Peropheta ra o Iosepha Semita, e te Melahira o Moroni. Te na ô mai nei te parau i papaihia e, "*Tei te parau ra a na ite toopiti, e tei te parau a na ite tootoru ra, e e riro ai tuiua mea ra ei parau mau*". *Deuteronomi 19:15*.

No reira, i te faaotiraa o te Buka a Moromona ua tia roa ia faaite mai na ite tootoru i te mea ta ratou i ite no taua buka ra. E teie ta ratou parau:

Ia ite to te mau fenua atoa, e te mau nunaa atoa, e te mau re'o atoa, e te mau opu atoa e taehia i teie nei buka e, ua ite matou, na roto i te maitai o te Atua ra, o te Metua, e o to tatou Fatu ra o Iesu Mesia, i te mau api no reira mai teie nei papaa parau, o te papaa parau ia no te ati Nephi, e no ati Lamana, to ratou mau taeae, e no te mau taata hoi o Iareda ra, o te haere mai mai te pare maira o tei parauhia ra; e ua ite atoa hoi matou e, ua iritihia teie nei parau e te horoa e te mana o te Atua ra, no te mea ua faaite mai oia i te reira ia matou i to'na re'o; e no reira i ite papu ai matou e, e parau mau ia ta teie nei buka. E te faaite atoa'tu nei matou e, ua ite matou i te mau parau i ootihia i nia iho i te mau api ra; e ua faaitehia mai ia matou e te mana o te Atua, e ere ia te mana o te taata. E te faaite atu nei matou ma te parau mau e, i fa maira te hoê melahi a te Atua no te ra'i mai, e ua hopoi maira, e ua tuu maira hoi oia i taua mau api ra i mua ihora i to matou mata; e ua ite matou i taua mau api ra, e te mau parau i ootihia i nia ihora; e ua ite hoi matou e, na roto i te maitai o te Atua, te Metua ra, e no to tatou Fatu ra, no Iesu Mesia, i ite ai matou e te faaite atu nei hoi e, e parau mau ia teie mau mea nei; e mea maere hoi ia ia matou, area ua faaue maira te re'o o te Atua ia faaite atu matou i teie parau nei: e teie nei, ia haapao matou i te mau faaue a te Atua ra, te faaite atu nei matou i teie mau mea. E ua ite papu matou e, mai te mea e haapao matou i ta te Mesia ra, e mâ to matou ahu i te toto o te mau taata atoa ra, e e tia hoi i mua i te haavaraa a te Mesia ma te porao ore, e e parahi i pihaiho ia'na i te ra'i ra e a muri noa'tu. Ei te Metua, e i te Tamaiti, e i te Varua Maitai, hoê roa ia Atua, te hinhinu. Amene.

Oliver Cowdery

David Whitmer

Martin Harris.

POU MOO Gérant et Imprimeur, Papete, Tahiti.
